

فيديو ٩٨٨ من مقاطع حظر التجول تدبر سورة المائدة - الحلقة

٥١ الآيتان ٣٣-٤٣

فاضل سليمان

وحلل عقدة من لساني يفقهوا قولي السلام عليكم ورحمة الله وبركاته اهلا بحضراتكم في المقطع رقم تنمية تسعة وتمانين من مقاطع حظر التجول. والحلقة الخامسة عشر من حلقات تدبر المائدة - [00:00:00](#)

الليلة ان شاء الله هنشرح اشد عقوبة في الشريعة الاسلامية الشريعة العقوبات اما حدود او قصاص او تعزير عقوبات حدية حدود او قصاص او عقوبات تعزيرية الحدود هي العقوبات المنصوص عليها في القرآن والسنة - [00:00:18](#)

يعني نزلت بوحي والسنة وحي ولكن النبي عبر عنها كلماته الحد هو حق لله. لا يجوز لاحد انه يتنازل عن الحد. لذلك لما راح سيدنا زيد آ رضي الله عنه يشفع لامرأة سرق اسمها فاطمة المخزومية - [00:00:47](#)

فراح يشفع لها والنبي عليه الصلاة والسلام كان معود الصحابة انهم يشفعوا للناس وقال لهم اشفعوا فيقضي الله حوائج الناس وتؤجرون ويقضي الله حوائج الناس على يد نبيكم لكن لما راح يشفع لامرأة سرق - [00:01:12](#)

النبي نام وقال له افي حد من حدود الله يا زيد ما ينفعش تشفع في حد لان النبي نفسه لا يملك ان هو يوقف عقوبة حدية وقالوا لو ان فاطمة بنت محمد سرق لقطعت يدها. في حد اغلى عنده منها؟ بحد. طب الله! ما يقدرش - [00:01:34](#)

فالحد هو حق الله ما حدش يقدر يلعب في العقوبة دي ولا يخففها ولا يتغاضى عنها. طيب. القصاص هو قتل النفس بالنفس. يعني واحد قتل فيقتل يقتل اسمه القود بيقتل قصاد الشخص اللي هو قتله. او اتلف عضو من اعضاء شخص اخر. فيتلف قصاده نفس العضو - [00:01:55](#)

فقأ عين تفقأ عينه قطع وذن يتقطع وذن نفس الودن. يمين يبقى يمين وهكذا وهنجي للحكم ده اسمه حكم القزاز الحكم ايه الفرق بين القصاص وبين الحد حد حق الله ما حدش يقدر يتنازل عنه انما القصاص ربنا سمح فيه لاهل القتل او اهل او الشخص اللي فقد عضو جسمه انه يقبل الدية - [00:02:21](#)

يعفو عن المجرم. او اللي ارتكب الجريمة فيقبل تعويض مادي نزيهر عدم تنفيذ العقوبة. ده اسمه القصاص. التعزير هي عقوبة يقدرها الحاكم. وكلمة الحاكم يعني القاضي. كثير من الناس ما يفهموش مش فاهمين ده ايه - [00:02:45](#)

التعزير عقوبة يقدرها الحاكم حسب ما يرى يحكم بقى بسجن بغرامة بجلدة باعدام كل دي لكنها عقوبة تعزيرية هي حق للقاضي نفسه من حقه يلغي العقوبة. يوقف تنفيذ العقوبة يؤجل العقوبة يخفف العقوبة - [00:03:04](#)

زي الاحد الحد حق لله لا احد يملك ان هو ما ينفزوش. طيب. الاية ثلاثة وتلاتين اللي احنا بصدها النهاردة نزل فيها اغلظ واقسى عقوبة حدية من الحدود كلها. اقرا بقى معي الايتين ثلاثة وتلاتين - [00:03:26](#)

اربعة وتلاتين اللي هم موضوع تدبر الليلة اعوذ بالله السميع العليم من الشيطان الرجيم انما جزاء الذين يحاربون الله ورسوله. ويسعون في الارض فسادا اي يقتلوا اي يقتلوا او يصلبوا او تقطع ايديهم وارجلهم من خلاف - [00:03:46](#)

او ينفوا من الارض ذلك لهم خزي في الدنيا ولهم في الآخرة عذاب عظيم الا الذين تابوا من قبل ان تقدروا عليهم فاعلموا. فاعلموا ان الله الغفور الرحيم. طيب انما جزاء الذين يحاربون الله ورسوله دي اسمها جريمة الحاربة - [00:04:15](#)

اول حاجة الحرب بيكون هدفها اخذ شيء بالقوة من عند الآخر. استيلاء على شيء اما اخذ اموال او ارض مسلا ناس بتاخذ الارض

اللي عليها ناس. فبيحاربوهم. سواء الناس دول لهم حطوا في الارض او ما لهمش. لكن الحرب هدفها الاستيلاء على شيء او اخذ شيء بالقوة - [00:04:55](#)

سواء الشيء ده ومن حقي اني اخده او مش من حقي. لكن ده هدف الحرب. انما جزاء الذين يحاربون الله هل فيه حد يقدر يأخذ ما عند الله بالقوة؟ ما حدث - [00:05:19](#)

هنموت بعض بعض المفسرين قالوا ان اسم الجلالة لفظ الجلالة اللي هو ايه اسم الله اضيف في هذه الاية لمجرد التشنيع. تشنيع يعني اظهار الشناعة تبشيع جريمة الحاربة ولركبة الحاربة هي قطع الطريق. لكن عشان ربنا يظهر شناعة هذه الجريمة - [00:05:32](#) اضاف اسمه وكأن اللي بيطلع يقطع الطريق ده اكنه بيحارب ربنا لكن في الحقيقة هي ايضا الناس بتطلع تحاول اخذ حق الله في التشريع. يعني ايه؟ اللي بيطلع ده عشان يقتل حد. يقطع الطريق ويقتل حد ويأخذ الامن. ربنا شرع - [00:05:57](#)

ان لا يجوز قتل النفس ولا يجوز ترويع الناس. فاللي بيدي نفسه الحق انه يعمل كده هو بيحاول يستولي على حق الله في التشريع وقال مفسرين اخرين ان هو ده معنى يحاربون الله يعني يحاربونه في شرعه هو قال ما حدث يقتل الا لو عمل كذا - [00:06:23](#)

ويستحق عقوبة الاعداء يوم واحد يطلع ويقرر يقتل الناس على مزاجه هذه محاربة لله تمام؟ طيب بالتالي من يقتل حتى اكنه بيحارب ربنا هنا في سورة البقرة ربنا بيقول اه يا ايها الذين امنوا اتقوا الله وذروا ما بقي من الربا ان كنتم مؤمنين - [00:06:47](#)

فان لم تفعلوا فاذنوا بحرب من الله ورسوله. اهو اللي بيتعامل بالربا ده يقال له يوم القيامة خذ سلاحك للحرب. يعني يلا عشان هتتحارب ربنا. كنت عارف في الدنيا ان انت كده هتتحارب ربنا. اذا هناك - [00:07:19](#)

حارب من الناس لله ومن الله لبعض الناس. ودايما بتكون فيما يخص التشريع. يخص التشريع. طيب نرجع للاية بتاعتنا انما جزاء الذين يحاربون الله ورسوله وقت حياته اه كان فيه حرب ناس حاربت النبي عليه الصلاة والسلام - [00:07:36](#)

بعد ما ماتوا هل حد يقدر يحارب النبي؟ اه لما يحارب السنة انكار السنة. انكار حجية السنة. التقليل من اهمية السنة. محاربة لرسول الله انما جزاء الذين يحاربون الله ورسوله ويسعون في الارض فسادا - [00:07:59](#)

هنا بقى الاية بدأت تتكلم عن جريمة الارهاب في القانون الدولي هو استهداف غير المحاربين من اجل الوصول لاهداف سياسية الله! يعني لو ناس روعت واستهدفت ناس بس مش عشان اهداف سياسية يبقوا مش ارهابين ليه؟ يعني هو لازم يكون فيه مصلحة للسياسيين عشان نضفي البشاعة على - [00:08:23](#)

فيما يعني لأ لو ناس راحوا قتلوا جيرانهم عشان يستولوا على بيوتهم ما هم ارهابين برضه هم ارهبوهم لكن لأ لازم السياسيين يدخلوا أنفسهم في الموضوع ده. المهم ربنا اعتبر اي اعتداء على امن الناس ارباب. ترويع ترويع يعني ارباب - [00:08:47](#) لذلك هذه الاية ليست عن جريمة القتل ولا عن جريمة السرقة. بل عن جريمة اكبر منهم هم اللاتنين اسمها جريمة الحاربة. يعني جريمة قطع الطريق لان القتل ممكن يحصل اغتيال - [00:09:05](#)

واحد يستخبي في الدرة عندنا في الصعيد يقول لك بيستخبي في الدرة ويقوم ايه طاخ اللي هو عايز يقتله من القبيلة الثانية ولا من العيلة الثانية ده اسمه اغتيال اسمه قتل الغيلة. ده مش قطع طريق - [00:09:22](#)

هو لم يرهبه هو قتله قتل اغتيال. فدي اسمها جريمة قتل. ماشي؟ لا عقوبة اخرى وهي القتل حدا على فكرة مش القصاص وخلينا نتكلم فيها بعدين السرقة ممكن تحصل اسرة خارج البيت يرجعوا يلاقوا حد كسر البيت ودخل وسرق. ده مش قطع طريق -

[00:09:37](#)

خلاص؟ لم يحصل ترهيب ولا تخويف ناس ولا قطع طريق. لذلك عشان المتهم يعاقب على جريمة الحاربة. يعني يعتبر محارب معناها قاطع الطريق. لازم يكون فيه سلاح ويكون فيه طريق - [00:10:00](#)

لكن لو واحد سرق من جوة بيت ما يعتبرش جريمة حاربة. جريمة سرقة. طيب لو واحد وقف لواحد في الطريق وقال له اديني محفظتك بدون اي سلاح. ولا عصاية ولا مطوة ولا مسدس. برضو مش حاربة. ممكن تبقى بلطجة - [00:10:16](#)

في قصة ثانية ليه الاية ثلاثة وتلاتين بقى بتذكر عقوبات مختلفة انما جزاء الذين يحاربون الله ورسوله ويسعون في الارض فسادا ان

يقتلوا او يصلبوا. او تقطع ايديهم وارجلهم من خلاف او ينفوا من الارض - [00:10:31](#)

هم هيقتلوا ولا هيصلبوا؟ ولا هتقطع ايديهم وارجلهم من خلاف؟ ولا هينفوا من الارض عندنا بقى هنا كزا سؤال في الاية دي. اولاً ليه التشديد في كلمة يقتل يصلب تقطع. ليه مش يقتلوا؟ يصلبوا تقطع - [00:10:58](#)

ايه معنى يقتل ما هو الواحد يعني يفعل نداء صيغة مبالغة في الفعل. يعني الفعل هيتعمل كتير هو فيه حد هيقتل كتير يعني يقتل هو واحد بس هيقتل ازاي هو من اول مرة هيموت هنرجع نموت ثاني ازاي - [00:11:22](#)

نفس الكلام لو اتصلب ما هو بيتصلب بيموت على الصليب خلاص هيفضل يتصلب ازاي او يصلب نفس الكلام لما بتقطع يده ورجله من خلاف هتقطع ازاي كتير ما هي مرة واحدة هتقطع يعني حتى التلات عقوبات ما ينفعش يتعملوا كزا مرة - [00:11:44](#)

مم خيلنا في القتل دلوقتي يعني يقتل عدة مرات ليه خدوا ثلاثين سانية وفكروني فيها عشان تبقوا عارفين الاجابة لها علاقة باية سابقة ليه ربنا ما قلش يقتل قال يقتل وكأن اللي قتل ده هيقتل عدة مرات. طب ليه ربنا كده - [00:12:02](#)

وليها علاقة باي سابقة واكتبوا لي في التعليقات بتاعة اليوتيوب والفيسبوك هي الوحيدة اللي بقدر اشوفها هنا مم عشان امام الملاً لأ دلالة على شدة الحادس. على مرأى من الناس لأ - [00:12:26](#)

دليل على شناعة القتل لأ ان فعلهم جماعي. لأ طيب هيئة بني ستان بصوا يا جماعة قلت لكم لي علاقة باية قبل كده الاية ثلاثة وتلاتين لا انا اسمي ثلاثة وتلاتين - [00:12:41](#)

واحد وتلاتين من اتنين وتلاتين اهي من اجل ذلك كتبنا على بني اسرائيل انه من قتل نفسا بغير لنفس او فساد في الارض فكأنما قتل الناس جميعا قتل قاطع الطريق مش انتقام للي هو قتلهم في القافلة. لأ ده انتقام للانسانية كلها - [00:13:01](#)

لان الناس كلها من حقها انها تسافر وتنتقل بين المدن او تنتقل في الشوارع وهي امنة على نفسها. فالامن هو اول حق من حقوق الانسان في الاسلام وذكرنا قبل كده حديث الرسول عليه الصلاة والسلام من اصبح منكم امنا في سربه معافا في بدنه - [00:13:31](#) عنده قوت يومه فكأنما حيزت له الدنيا بحذافيرها الحق في الامن الحق في الرعاية الصحية الحق في القوت اللي يعيش منه حتى لو مش بيشتغل. لكن ربنا قدم الامن على الرعاية الصحية وعلى الاعاشة - [00:13:52](#)

بشرع الله لا احد يخاف انه ينزل في الشارع ولا احد يموت لعدم وجود مال لشراء دواء. ولا احد يموت من الجوع. هي دي الشريعة اللي الناس مش فاهماها. وفاكرين ان الشريعة عبارة عن عقوبات وقطع ايدين. لا - [00:14:14](#)

اساسا حقوق انسان حقوق انسان. وبعد ما الناس بتاخذ حقوقها بتحاسب بقى لما تغلط بس لو تلاحزوا قلنا حق الامن هو اول حق. حقي اني انزل من بيتي وارجع لاولادي - [00:14:28](#)

اذا طالما ان قاطع الطريق قتل فكانما قتل الناس جميعا. لانه انتهك امن الناس جميعا. فيقتص عن كل انسان ويقوم بهذا القصاص الحاكم نيابة عن كل انسان. فربنا قال ان يقتلوا - [00:14:43](#)

بالتشديد وكأنه بيقتل مش بس باللي هو قتلهم بل بكل انسان في الارض اخدتوا بالكم؟ طيب. انما جزاء الذين يحاربون الله ورسوله ويسعون في الارض فسادا. اي يقتلوا او او يصلبوا او تقطع ايديهم وارجلهم من خلاف او ينفوا من الارض. طيب - [00:15:06](#)

او دي للتخيير يعني من حق القاضي يختار على مزاجه العقوبة يا اما يقتله يا اما يصلبه يا اما يقطع ايديه من قلب او ينفوهم من الارض لأ في يا جماعة بصوا حاجة في البلاغة اسمها المحسنات البديعية - [00:15:32](#)

الطبخ كده في حاجة اسمها محسنات الطعم او مكسبات الطعم. القرعة الحبهان الحبهان عندنا يعني الهيل. القرنفل دي محسنات غالية اوي. فيه بقى حاجة اسمها الزعفران دي حطة شوية كدهو بخمس تلاف جنيه. انا بقى اديكم حطة بخمس تلاف جنيه دلوقتي -

[00:15:50](#)

في اللغة العربية حاجة اسمها اللف والنشر واللف والنشر. يعني ايه يعني ربنا يكرر كزا حاجة وما يكرر خبر بتاعهم ويقوم زاهر الاخبار ورا بعضهم برضو. بعد ما ذكر يعني مسلا - [00:16:06](#)

في سورة القصص الاية ثلاثة وسبعين ربنا بيقول ومن رحمته جعل لكم الليل والنهار لتسكنوا فيه. ولتبتغوا من فضله. لأ سانية واحدة

جعل لكم الليل والنهار لتسكنوا فيه اللي هو ايه ؟ اللي هو الليل - 00:16:20

واذا ابتغوا من فضله اللي هو النهار فربنا عمل لف وبعد كده نشأ. اللفة انك بتلف حاجة والنشر انك تفتحتها مرة اخرى الليل والنهار لف.

انشر بقى تقوم فاتح لتسكنوا فيه ولتبتغوا من فضله - 00:16:40

كان ممكن يقول ومن رحمته جعل لكم الليل لتسكنوا فيه والنهار لتبتغوا من فضله مم مش حلوة ولكن بالشكل ده بالاسلوب ده

المحسنات البديعية دي اسمها اللف والنشر. طيب. وفيها انواع بقى بالترتيب ومش بالترتيب وقصة. طيب - 00:16:57

آآ خد مسال ثاني آآ في سورة العنكبوت ربنا قال وعادوا وثمود وقد تبين لكم من مساكنهم وزين لهم الشيطان اعمالهم. خل بالك ببذكر

مين؟ عاد وثمود دلوقتي. ماشي فصدھم عن السبيل وكانوا مستبصرين - 00:17:17

وقارون وفرعون وهامان. ولقد جاءهم موسى بالبينات فاستكبروا في الارض وكانوا سابقين بعد عدو ثمود ذكر آآ ذكر قارون وفرعون

وهامان. حلو اوي فكلنا اخذنا بذنبه فمھم من ارسلنا عليه حاصبا. ومنھم من اخذته الصيحة. ومنھم من خسفنا به الارض. ومنھم من

اغرقنا. وما كان الله ليظلمھم - 00:17:39

ولكن كانوا انفسھم يظلمون. اللف ذكر لك بالترتيب ده عاد ثمود قارون فرعون هامان. ده اللف. النشر بقى يفتح الورق ثاني هتلاقي

اول عقوبة اللي هو من ارسلنا عليه حاصبة عاد - 00:18:13

وبعدھا ومن اخذته الصيحة ثمود بعدها من خسفنا به الارض قارون بعدها ومنھم من اغرقنا فرعون وهامان وجنودھما شفت بقى

ازاي ؟ طيب. تعال بقى نطبق الكلام ده عندنا على الاية بتاعتنا في آآ - 00:18:31

في سورة المائدة. اھي انما جزاء الذين يحاربون الله ورسوله ويسعون في الارض فسادا ايه هو الفساد بقى اللي في الارض كزا

جريمة مع بعض محطوطین في التعبير ده ما هو ممكن الفساد ده يكون - 00:18:54

يعني في عدة درجات لقطع الطريق ممكن بيقى ارباب الارهاب هنا هيكون فيه ترويع وقتل ده يقتل ويصلب عشان بيقى عبرة لغيره

ما حدش يعمل كده ثاني ممكن ارباب وترويع بس وسرقة مال كمان. ماشي - 00:19:13

وممكن سرقة اموال بس من غير قتل فاللي يسرق اموال من غير قتل ده تقطع يده للسرقة وتقطع رجله ما هو من خلاف. لانه قطع

بھا الطريق وممكن ارباب وترويع - 00:19:36

يعني واحد قطع الطريق بس ما سرقش وما قتلش مجرد خوف الناس وجعل الناس تلف وترجع لما لقوا الطريق مقطوع خلاص

وراحوا طريق ثاني اطول ومرھق عشان الأمن. ده ينفي من الارض. هو لا قتل ولا هو بمجرد بس قطع الطريق لكن لا قتل ولا سرق -

00:19:54

وممكن يكون هو اصلا بيشتغل مع العصابة بس شغلانة ادارية بيسوق عريية ببسھل حاجة بيشتغل شغل الكمبيوتر بتاعھم. ده برضو

ينفي من الارض. طبعا النفي من الارض مش معناه ان انا اقطع له تزكرة ويروح انفيه في - 00:20:18

يسرى لا النفي دلوقتي هو السجن زمان ان الواحد يتغرب عن وطنه ده كان عقاب رھيب. انما النهارده الشباب كلھم عايزين يخلصوا

دراسة ويھاجروا فالنفي هو السجن دلوقتي الهدف من النفي هو العزل عن المجتمع. اللي هو اربھه. ما يستحقش يعيش معھ -

00:20:34

والعزل يكون بطريقة مؤلمة النفي خارج البلاد زمان كان مؤمن مؤلم، لكن دلوقتي لأ الرأي القديم من ايام المذاهب الاربعة هم آآ يعني

يعني كان في رأي اصلا من ايام الوزارة اربعة ان النفي هو الحبس. يعني ابو حنيفة عنده النفي هو الحبس وليس الاخراج الى خارج

البلد - 00:20:55

طبعا عشان تبقوا عارفين اصل كلمة نفي في اللغة. جاي من كلمة النفاية خلي بالك من دي اه مش معناه الاخراج يعني لما تملی آآ

جردل او تملی مسلا انا باملی المجد ده دلوقتي فاتملی مني لغاية الاخر. فوقعته منه مائة اھي مائة على الترابيزة قدامي اھي. دي

اسمھا ان ان آآ - 00:21:19

النفاية. يعني ما ما نفي ما زاد وليس له مكان. اذا دول ما لهمش مكان في المجتمع نفایات فينفوا من الارض. يخرج من المجتمع ما

لهمش مكان فيه عشان المجتمع يقدر يتحرك ويتقدم لابد يخلص من دول. طيب. عند الامام مالك - [00:21:42](#)

اذا كان المحارب المحارب يعني قطع الطريق ممن له الرأي والتدبير المحارب ده من المخططين فالامام مالك يرى ضرورة قتله وصلبه او قتله او صلبه لان مجرد قطعه يد ورجل - [00:22:04](#)

وان احنا نتركه حي ما بيدفعش ضرره ويفضل عامل بقى فيها زعيم آآ عصابة عصابة وعامل مافيا ويبقى عمال يخطط لهم والناس بتنظر له على انه يعني زعيم المافيا. لا لا لا لا - [00:22:26](#)

المخطط والرقص المدبر ده لابد من قتله والتخلص منه اذا كان ما فيش فيه الصفيتين دول اللي هو القتل اللي هو انه صاحب رأي وتدبير وكده ده بيخطط ولا بيسرق ولا بيقتل مجرد عضو في العصابة زي ما قلنا بيعمل اعمال ادارية بيسوق عربية مش عارف ايه بيودع الفلوس في حساب حاجات كده هو - [00:22:40](#)

يبقى لابد ياخد ده ايسر العقوبات اللي هي الحبس. وبينهم هم الاثنين ما بين اعلى حاجة واقل حاجة بيبقى فيه ايه؟ العقوبات الاخرى اللي هي يقتلوا او يصلبوا او تقطع ايديهم وارجلهم. الناس اللي مارست السرقة بدون قتل - [00:23:06](#)

دول بتقطع يده للسرقة وتقطع رجله لانه قطع بها الطريق. طيب آآ طبعا هنا في التعبير هنا غريب شوية. ان يقتلوا او يصلبوا او تقطع ايديهم وارجلهم من خلاف وكأن - [00:23:23](#)

كل ايديهم هتقطع وكل رجلهم هتقطع بس بلا بلا جدال هي ايد واحدة ورجل واحدة. والا ما كانش كلمة من خلاف بقى لها قيمة من خلاف يعني في ايد ورجل هيفضلوا - [00:23:43](#)

وايد ورجل هيتقطعوا ومن رحمة ربنا ان الايد اللي بتقطع تكون عكس الرجل اللي بتقطع عشان هتمسك بالايدي الثانية اللي هتفضل فوق الرجل المقطوعة هيمسك العكاز يبقى بديل عن الرجل المقطوعة فيقدر مهما كان يتحرك - [00:23:55](#)

هنا بقى لازم نفهم ليه ربنا زكرها بالجمع ايديهم ارجلهم اي شيء في جسد الانسان يضاف لاكثر من واحد يجمع حتى لو اللي فاضين مسلا في سورة التحريم ربنا بيتكلم عن زوجتين من زوجات النبي - [00:24:13](#)

اللي هم ايه آآ السيدة حافصة والسيدة عائشة لما قالوا ايه آآ لبعض كلام وسر وبتاع فربنا في سورة التحريم قال ايه؟ ان تتوبا مثنى الى الله فقد صغت قلوبكما ما قالش فقد سغت قلوبكما او فقد صغ قلوبكما - [00:24:35](#)

قلوبكم وجمع. يبقى اي شيء في اعضاء الانسان لما يضاف لاكثر من واحد يجمع حتى لو لفرضين خلاص؟ ان يقتلوا او يصلبوا او تقطع ايديهم بالجامع اهو وارجلهم من خلاف - [00:24:55](#)

كمل بقى الاية او ينفى من الارض وهنا يعني الحبس ذلك لهم خزي في في الدنيا ولهم في الآخرة عذاب عظيم. ذلك لهم خزي في الدنيا. ممكن يكون قلت في الحياة الدنيا انا بقراه في الاول - [00:25:14](#)

وغلطان. هي لهم خزي في الدنيا ولهم في الآخرة عذاب عظيم. ده ربنا بيخزيهم بهذه الطريقة في الدنيا اتصلبوا قدام اللي رايح واللي جاي. وبقوا عبرة وقطعت ايديهم وارجلهم. فالناس هتشوفهم وتقول لولادهم شايفين يا ولاد اللي يسرق - [00:25:32](#)

فين اللي يبقى ارهابي؟ شايفين يا ولاد؟ فيبقوا عبرة خزي ده لا يلغي عذاب الآخرة لا يلغي عذاب الآخرة لو هو فضل مصر على ان اللي عمله ما كانش غلط وما تابش - [00:25:50](#)

في ناس بتعاقب ويتقضي عقوبتها وتخرج تاني تؤسس عصابات وتعلم النشء الجديد وتشغله تعمل شبكات ومافيا والكلام ده كله فمش بالضرورة ان اللي بيعاقب بيندم على فكرة لكن يستثنى من العقاب في الدنيا مين؟ - [00:26:06](#)

قطاع الطرق اللي يتوبوا يعني لو قطع الطريق تاب ما يطبقش عليه القتل والصلب كل ده ما يطبقش الله! يعني لو مسكنا قطاع الطرق وقالوا لنا بصوا ده احنا حتى تبنا من النهاردة اهو هنبطل سرقة. وقطع طريق وهنصلي ونقرا قرآن - [00:26:30](#)

بيقول له كان غيرك اشطر هيطبق عليك برضه الحد. الله! اومال يعني ايه الاية اربعة وتلاتين اللي بتقول الا الذين تابوا من قبل ان تقدروا عليهم فاعلموا ان الله غفور رحيم. يعني اللي ييجي يسلم نفسه - [00:26:50](#)

ويعترف ويندم ويعيد الحقوق يسقط عنه حد الحرابة يعني ايه؟ ما يتعاقبش خالص؟ لأ يتعاقب بس عقوبة تعزيرية او يعني لو هو

قتل تتحول العقوبة لقصاص يبقى ولي الدم يقرر يقتل ولا يعفو عنه ويأخذ الدية - 00:27:08

قبل كده كانت عقوبة حدية لازم هيقتل التعويض المادي ده ممكن ينفع العيال. ولاد القتل. فممكن يعني نقبل التعويض المادي ده
عشان تعليم العيال وجوازها وبتاع. وايه ولو يعيد المسروقات وهكذا - 00:27:32

ففي ناس بقى بعد ما تسمع ده دلوقتي هتستكثر العفو عن قطاع الطرق لو تابوا فربنا قال ايه؟ فاعلموا ان الله غفور رحيم اعلموا
خلي بالك. هنا ربنا حط شرط انهم يتوبوا قبل ما احنا نقبض عليهم اصلا - 00:27:47

يعني مش خلاص عشان اتقبض عليه او احنا ضيقنا عليه الخناق لا لازم هو يكون انصلح حاله قبل ما يسلم نفسه ويعترف ويرجع
الحقوق لاهلها الحالة دية اعلموا اعرفوا ان ربكم غفور رحيم. غفور رحيم لمن تاب مهما عمل - 00:28:05

وده لمصلحتكم انتم طالما غفر للي ارتكب جريمة زي دي وقبل توبته يبقى ان شاء الله يقبل توبتك انت كمان يعني اكيد بقى ما
قطعتش الطريق. يعني المفروض نكون فرحانين لما نعرف ان ربنا - 00:28:25

هيرحم الناس هيغفر للناس اللي بتوب مش نبقي زعلانين وعازيزين دايمنا الناس تتعاقب والناس وهكذا. يلا خلونا نتوقف هنا الليلة
ونكمل بكرة باذن الله اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا

فيما تحب. وما زويت - 00:28:37

مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا ومن الماء البارد على الضمأ. اللهم حببنا اليك والى
ملائكتك وانبيائك ورسلك. وعبادك الصالحين واجعلنا ممن يحبك ويحب ملائكتك وانبيائك ورسلك - 00:28:58

الصالحين اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله
لك وسعينا كله في مرضاتك. اللهم اجعل القرآن الكريم ربيع قلوبنا. ونور - 00:29:18

وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم
جميعا اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل - 00:29:38

حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من من ضرورهم ونجعلك
اللهم في نحورهم فانت الوكيل ولا حول ولا قوة الا بك - 00:30:00

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. اللهم سد وخب رمي عدوهم
وتقبل شهداءهم وكن مع اخواننا في تركستان الشرقية وفي الشام وفي كشمير وفي الهند وانصر يا رب من نصرهم واخذل يا رب -

00:30:17

رب من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن فيه. اللهم انك تعلم ان هذه القلوب
قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على - 00:30:37

نصرة شريعتك. فوثق الله مرابطتها وادم ودها واهدها سبلها. واملاها بنورك الذي لا يخبو واشرح صدورنا بفيض الايمان بك وجميل
التوكل عليك. واحيها يا ربنا بمعرفتك. وامتها يا مولانا على الشهادة في سبيلك - 00:30:57

انك نعم المولى ونعم النصير. وصل اللهم وسلم على سيدنا محمد وعلى اله وصحبه ومن تبع هداة. والسلام عليكم ورحمة الله ونراكم
غدا باذن الله في نفس هذا الموعد ان كنا من اهل الدنيا - 00:31:17